



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno DCXLIX. ad annum DCLXXVI.

Parisiis, 1644

Svscriptiones.

urn:nbn:de:hbz:466:1-15300

ANNO
CHRISTI
666.

digessimus per ordinem, Creatori nostro, & Domino, quem credimus trinum in vnitate, & veneramur vnum in Trinitate, Patri & Filio & Spiritui sancto debitas persoluimus laudes: tantæ maiestatis glorificantes nomen; qui dignatus est nobis re-ctitudinis viam ostendere. Ac deinde serenissimo, ac piissimo, & orthodoxo viro, clementissimo domino Reccesuintho regi gratiæ impēdimus opem; cuius vigilantia, & sæcularia regit cum pietate summa, & ecclesiastica plenius diuinitus sibi sapientia concessa. Ipse enim Dominus, cuius Trinitatem veneramur, & confitemur, & ecclesiæ suæ fidei conferat lucra, & sacerdotibus, ministris, atque omni clero, vt digne illi seruiant, conferat remedia, quæ ipsi sunt placita: clementissimo principi Reccesuintho regi felicem vitam, felicioraque præsentem in sæculo, & futuro post in regno sempiterna concedat gaudia possidenda. Atque id omnibus in se credentibus præstare dignetur; vt, dum sui iudicii manifestare voluerit tempus, omnibus tribuat perenne remedium ipse Dominus & Redemptor noster, qui cum Deo Patre & Spiritu sancto in Trinitate Deus permanet vnus, cui est honor, gloria, virtus & imperium, nunc & in omnia sæcula sæculorum.

• S V B S C R I P T I O N E S.

Proficius Dei miseratione Lusitanæ prouinciæ sanctæ Emeritensis ecclesiæ metropolitanæ sedis episcopus hæc gesta synodalia cum confinitimis meis episcopis instituta manu mea subscripsi.

Ego Selua Egiditanæ ciuitatis ecclesiæ episcopus pertinens ad metropolim Emeritensem hæc instituta cum archiepiscopo meo Proficio a nobis definita subscripsi.

Adeodatus in Christi nomine sanctæ Pacensis ecclesiæ episcopus similiter subscripsi.

Concil. Tom. 15.

O o o

Asphalius in Christi nomine sanctæ Abelenſis eccleſiæ episcopus ſimiliter ſubſcripſi. ANNO CHRISTI 666.

Theodericus in Christi nomine sanctæ Olyſipponenſis eccleſiæ episcopus ſimiliter ſubſcripſi.

Theodiſclus Dei miſericordia episcopus sanctæ eccleſiæ Lamecenſis ſimiliter ſubſcripſi.

Iuſtus Dei miſeratione sanctæ Salmanticensis eccleſiæ episcopus ſimiliter ſubſcripſi.

Cantaber Dei gratia episcopus sanctæ eccleſiæ Coimbrienſis ſimiliter ſubſcripſi.

Donatus in Christi nomine episcopus sanctæ eccleſiæ Caurienſis ſimiliter ſubſcripſi.

Exarnus Dei miſericordia episcopus sanctæ eccleſiæ Oxonobenſis ſimiliter ſubſcripſi.

Petrus Dei miſericordia Elboreniſis eccleſiæ episcopus ſimiliter ſubſcripſi.

Aluarius indignus sanctæ Calabrieniſis eccleſiæ episcopus ſubſcripſi.

NOTÆ GARSIAE LOAISÆ.

Emerita
vrbs quæ?

* *Vrbem Emeritenſem.*] Emerita Luſitaniæ provinciæ vrbs nobilis a Romanis dicta Auguſta Emerita, colonia Romanorum. In nummo Auguſti ſic eſt: CÆSAR AVGVSTVS PONT. MAX. IMP. Ex altera parte: AVGVSTA EMERITA COL. Similiter ex inſcriptione lapidis, qui eſt Tarracone:

IMP. CÆSAR VESPASIANVS AVG. PONT. MAX.
TRIB. POT. II. IMP. VII. COS. III. DES. IV.
P. P. VIAM A CAPARA AD EMERITAM AVG. VſQ.
IMPENSA SVA RESTITVIT.

Eſt etiam regis Recceſvinthi nummus cum hac inſcriptione: RECCEſVINTHVS REX: Ex altera parte: EMERITA. PIVS. Sunt qui dicant appellatum Pium ob hoc Concilium Emeritæ coactum. De ea Plinius, Strabo, Mela, & ceteri recentiores. Hodie ruinæ docent fuiſſe nobiliſſimam coloniam: nulli episcopo ſubditur, ſed ordini militiæ diui Iacobi, ſub priore Legionenſi.

Concilium
Emerit.
confirmatur
ab Innocent. III.

^b *Anno 18.*] Conuenit cum noſtra chronologia. Nam anno 687. Recceſvinthus regnum ſuſcepit: deinde 18. Concilium hoc eſt coactum: qui efficiunt 705. annos. Quoniam multum huius Concilii robor & auctoritatem confirmat epiſtola Innocentii III. ad Petrum Compoſtellanum archiepiscopum, quæ inuenitur in regiſtro Romæ excuſo, lib. 2. eam hic ad verbum exſcribendam curauimus. Bracarenſis episcopus dicebat, Concilium Emeritenſe, neque conſtructionem, neque ſenſum, neque latinitem habere.